



Na osnovu člana 13. stav (1) Odluke o dodjeli finansijskih sredstava za izgradnju spomen obilježja poginulim pripadnicima Oružanih snaga Republike Bosne i Hercegovine na području Tuzlanskog kantona i poginulim pripadnicima 2. Korpusa Armije Republike Bosne i Hercegovine na području entiteta Republika Srpska, broj: D-15/1-11-022907-26 od 10.08.2026. godine, Odluke o raspisivanju javnog poziva, broj: D-15/1-11-022907-26-1 od 10.08.2026. godine, Ministarstvo za boračka pitanja Tuzlanskog kantona, objavljuje

## JAVNI POZIV

*za dodjelu finansijskih sredstava za izgradnju spomen obilježja  
poginulim pripadnicima Oružanih snaga Republike Bosne i Hercegovine na području Tuzlanskog  
kantona i poginulim pripadnicima 2. Korpusa Armije Bosne i Hercegovine  
na području entiteta Republika Srpska*

### I Predmet javnog poziva:

(1) Predmet Javnog poziva je prikupljanje prijava za dodjelu finansijskih sredstava za sufinansiranje/ finansiranje /refundaciju troškova u izgradnji spomen obilježja poginulim pripadnicima Oružanih snaga Republike Bosne i Hercegovine (u daljem tekstu: OS R BiH) sa područja Tuzlanskog kantona (u daljem tekstu: Kanton) i poginulim pripadnicima 2. Korpusa Armije Bosne i Hercegovine (u daljem tekstu: AR BiH) na području entiteta Republika Srpska ( u daljem tekstu:RS).

(2) Refundacija u smislu stava (1) ovog člana podrazumijeva troškove nastale u tekućoj godini, prije potpisivanja ugovora o dodjeli sredstava podnosioca prijave, a odnose se na izgradnju spomen obilježja za koje se podnosi prijava.

### II Pravo učešća:

Pravo na podnošenje prijave po ovom javnom pozivu imaju: grad, općina i mjesna zajednica koja se pojavljuje kao nosilac investicije za izgradnju spomen obilježja.

### III Uslovi za podnošenje prijave:

Prijava se može podnijeti pod uslovom da se kumulativno ispunjavaju uslovi, kako slijedi:

- da se spomen obilježje gradi na području Kantona ukoliko je u pitanja poginuli pripadnik OS R BiH odnosno na području entiteta RS ukoliko je u pitanja poginuli pripadnik 2. Korpusa AR BiH,
- da podnosioc prijave do sada nije koristio sredstva od ovoga Ministarstva za isto spomen obilježje za koje je podnijeta prijava, izuzev u slučajevima kada se radi o narednim fazama izvođenja radova na spomeniku za koje je već zbog složenosti izdato rješenje o odobrenje za građenje ili ovjereni dokaz od strane nadležnog organa da je u toku postupak izdavanja nedostajućeg dokumenta i
- da podnosilac prijave posjeduju valjanu dokumentaciju za učešće po javnom pozivu.

#### IV Ograničenja za podnošenje prijave:

(1) Spomen obilježje koje je u ranijim godinama, finansijski podržano od Ministarstva, ne može biti predmet dodjele finansijskih sredstava u ovoj budžetskoj godini, izuzev u slučajevima kada se radi o narednim fazama izvođenja radova na spomeniku za koje je već zbog složenosti izdato rješenje o odobrenje za građenje ili ovjereni dokaz od strane nadležnog organa da je u toku postupak izdavanja nedostajućeg dokumenta.

(2) Pravo na dodjelu sredstava za izgradnju spomen obilježja nema podnosilac prijave kojem su, u ranijim godinama, od strane Ministarstva, odobrena sredstva po bilo kom osnovu, a za koja nije dostavljen izvještaj o namjenskom utrošku tih sredstava, ili ukoliko je izvještaj dostavljen ali isti nije prihvaćen od strane komisije za kontrolu namjenskog utroška budžetskih sredstava Ministarstva.

(3) Finansijska sredstva ne mogu se odobriti za sanaciju/rekonstrukciju/obnovu/održavanje već izgrađenog spomen obilježja.

#### V Kriteriji:

(1) Kriteriji za sufinansiranje troškova spomen obilježja poginulim pripadnicima OS R BiH na području Kantona su:

- a) istorijski značaj i
- b) veće vlastito finansijsko učešće.

(2) Kriterij: istorijski značaj utvrđuje se na slijedeći način:

- a) projekat gradskog/općinskog značaja .....30 bodova i
- b) projekat od značaja za mjesnu zajednicu ..... 10 bodova.

(3) Kriterij: vlastito učešće utvrđuje se na slijedeći način:

- a) projekat u čijem finansiranju je vlastito učešće 75,01% i veće..... 20 bodova,
- b) projekat u čijem finansiranju je vlastito učešće 40,01% do 75% ..... 10 bodova i
- c) projekat u čijem finansiranju je vlastito učešće do 40% ..... 5 bodova.

(4) U slučaju jednakog broja bodova, prednost na prijedlogu liste u redoslijedu ima podnosilac prijave koji po osnovu utvrđenog kriterija ima „veći procenat vlastitog učešća“.

#### VI Sadržaj prijave:

(1) Prijava za učešće po ovom Javnom pozivu treba da sadrži:

- a) uvjerenje o poreznoj registraciji izdato od nadležne porezne uprave (Identifikacijski broj - ID),
- b) dokaz od nadležne banke o otvorenom žiro računu,
- c) odluku o pokretanju aktivnosti izgradnje spomen obilježja,
- d) projekat sa detaljnim opisom projektnih aktivnosti ovjeren od strane ovlaštenog projektanta,
- e) rješenje o urbanističkoj saglasnosti ukoliko za navedenu vrstu radova nije potrebno izdavanje rješenja o odobrenju za gradnju za općine i mjesne zajednice sa područja Kantona,
- f) rješenje o urbanističkoj saglasnosti ukoliko za navedenu vrstu radova nije potrebno izdavanje rješenja o odobrenju za gradnju ili predmjer i predračun radova za općine i mjesne zajednice sa područja entiteta RS,
- g) finansijsku konstrukciju (izvori finansiranja, dosadašnja ulaganja te nedostajuća sredstva),
- h) dinamiku i rok završetka radova i
- i) fotografija spomenika ili lokacije na kojoj će se isti graditi (da bi se vidjelo u kojoj je fazi izgradnja spomenika).

(2) Prijava, uz koje ne budu priloženi svi traženi dokumenti smatrat će se nepotpunim i neće se uzimati razmatranje.

(3) Dokumenti moraju biti dostavljeni u originalu ili ovjerenj fotografiji.

## VII Obaveza podnosioca prijave:

(1) Na osnovu konačne odluke, podnosilac prijave je obavezan zaključiti ugovor sa Ministarstvom kojim se regulišu međusobna prava, obaveze i odgovornosti.

(2) Na osnovu potpisanog ugovora iz stava (1) ovoga člana vrši se jednokratna doznaka odobrenih sredstava

(3) Podnosilac prijave, obavezan je, najkasnije u roku od šest mjeseci od doznake sredstava dostaviti Ministarstvu finansijski izvještaj o utrošku sredstava s kompletnom dokumentacijom kojom dokazuje namjenski utrošak sredstava koja su mu doznačena shodno odredbama Pravilnika o upravno finansijskom nadzoru i načinu pravdanja dodijeljenih finansijskih sredstava iz Budžeta Tuzlanskog kantona („Službene novine Tuzlanskog kantona“ broj: 3/25) a koji se nalazi objavljen i na internet stranici Ministarstva, [www.vladatk.ba](http://www.vladatk.ba).

(4) U slučaju neutroška doznačenih sredstava, u roku iz stava (2) ovog člana, podnosilac prijave obavezan je dio neutrošenih sredstava vratiti na račun Budžeta Kantona i dostaviti izvod sa računa kao dokaz o povratu isti.

(5) U svim slučajevima gdje podnosilac prijave nije namjenski utrošio sredstva ili nije izvršio povrat nenamjenskog utroška sredstava, Ministarstvo je obavezno da pokrene postupak pred nadležnim sudom u cilju povrata nenamjenskog utroška istih.

## VIII Podnošenje prijave:

POPUNJENI PRIJAVNI OBRAZAC SA SVIM PRILOZIMA  
PODNOSE SE U ZAPEČAČENOJ KOVERTI A PREDAJE PUTEM POŠTE ILI NA PISARNICU  
ZAJEDNIČKIH SLUŽBI KANTONALNIH ORGANA NA ADRESU:

Tuzlanski kanton,  
Ul. Fra Grge Martića, broj 8., 75 000 Tuzla  
[sa naznakom]  
Ministarstvo za boračka pitanja Tuzlanskog kantona,  
*„Prijava na JAVNI POZIV  
za dodjelu finansijskih sredstava za izgradnju spomen obilježja  
poginulim pripadnicima Oružanih snaga Republike Bosne i Hercegovine na području  
Tuzlanskog kantona i poginulim pripadnicima 2. Korpusa AR BiH  
na području entiteta Republika Srpska“*

**Javni poziv ostaje otvoren 15 dana od dana objavljivanja na internet stranici Vlade  
Tuzlanskog kantona/ Ministarstva za boračka pitanja Tuzlanskog kantona,  
odnosno počev od 10.08.2026. godine do 25.08.2026. godine**

*Napomena:*

*Neblagovremene i nepotpune prijave ne uzimaju se u razmatranje.*

Sve potrebne informacije se mogu dobiti u Ministarstvu za boračka pitanja Tuzlanskog kantona, svakim radnim danom od 10.00 do 14.00 sati, neposredno ili na telefon 035/369-401



**Aneks I**

**PRIJAVNI OBRAZAC**

**na Javni poziv u svrhu dodjele finansijskih sredstava dodjeli finansijskih sredstava za izgradnju spomen obilježja poginulim pripadnicima Oružanih snaga Republike Bosne i Hercegovine i poginulim pripadnicima 2. Korpusa Armije Bosne i Hercegovine na području entiteta Republika Srpska**

**Prijava se podnosi za:**

1. izgradnju spomen obilježja poginulim pripadnicima Oružanih snaga Republike Bosne i Hercegovine na području Tuzlanskog kantona  
ili
2. izgradnju spomen obilježja poginulim pripadnicima 2. Korpusa Armije Republike Bosne i Hercegovine na području entiteta Republika Srpska  
(zaokružiti svrhu)

**Podnosilac prijave**

(naziv: grada/općine/mjesne zajednice)

**Adresa:** \_\_\_\_\_ **Telefon** \_\_\_\_\_ /

**Naziv projekta:**

**Vrijeme i mjesto realizacije projekta:**

**Ukupna vrijednost Projekta** \_\_\_\_\_ **KM.**

**Predračun troškova** \_\_\_\_\_  
(u prilogu dostaviti specifikaciju troškova)

**Prijedlog zatvaranja finansijske konstrukcije u konvertibilnim markama:**

| R. br. | IZVOR FINANSIRANJA                                    | IZNOS |
|--------|-------------------------------------------------------|-------|
| 1.     | Sopstvena sredstva                                    |       |
| 2.     | Sredstva iz ostalih izvora<br>sponzora, donator, itd) |       |
| 3.     | Sredstva grada / opštine                              |       |
| 4.     | Nedostajuća sredstva                                  |       |

|  |               |  |
|--|---------------|--|
|  | <b>UKUPNO</b> |  |
|--|---------------|--|

**U prilogu obrasca dostavlja se:**

- uvjerenje o poreznoj registraciji izdato od nadležne porezne uprave (Identifikacijski broj - ID),
- dokaz od nadležne banke o otvorenom žiro računu,
- odluku o pokretanju aktivnosti izgradnje spomen obilježja,
- projekat sa detaljnim opisom projektnih aktivnosti ovjeren od strane ovlaštenog projektanta,
- rješenje o urbanističkoj saglasnosti ukoliko za navedenu vrstu radova nije potrebno izdavanje rješenja o odobrenju za gradnju za općine i mjesne zajednice sa područja Kantona,
- rješenje o urbanističkoj saglasnosti ukoliko za navedenu vrstu radova nije potrebno izdavanje rješenja o odobrenju za gradnju ili predmjer i predračun radova za općine i mjesne zajednice sa područja entiteta Republike Srpske,
- finansijsku konstrukciju (izvori finansiranja, dosadašnja ulaganja te nedostajuća sredstva),
- dinamiku i rok završetka radova i
- fotografija spomenika ili lokacije na kojoj će se isti graditi (da bi se vidjelo u kojoj je fazi izgradnja spomenika).

Ukoliko se prijava odnosi na refundaciju troškova izgradnje spomen obilježja uz naprijed navedenu dokumentaciju podnosilac prijave obavezno prilaže i dokumentaciju kojom dokazuje nastale troškove u tekućoj godini za izgradnju spomenika (računi/ ugovori i izvod iz banke kao dokaz da izmireni troškovi vezani za izgradnju spome obilježja)

**Dokumenti od a) do i) moraju biti dostavljeni u originalu ili ovjerenoj fotokopiji.**

Izuzetno, Komisija može da uzme u razmatranje i nepotpunu prijavu, ukoliko u prijavi postoji dokaz da je u toku postupak izdavanja nedostajućeg dokumenta od strane nadležnog organa, do momenta donošenja konačne odluke iz člana 19. stav (2) ove Odluke.

**Podnosilac prijave potpisivanjem ovog obrasca obavezuje se da će najkasnije u roku od šest mjeseci od doznake sredstava dostaviti Ministarstvu:**

1) finansijski izvještaj o utrošku sredstava s kompletnom dokumentacijom kojom dokazuje namjenski utrošak sredstava koja su mu doznačena shodno odredbama Pravilnika o upravno finansijskom nadzoru i načinu pravdanja dodijeljenih finansijskih sredstava iz Budžeta Tuzlanskog kantona („Službene novine Tuzlanskog kantona“ broj: 3/25), a koji se nalazi objavljen i na internet stranici Ministarstva, [www.vladatk.ba](http://www.vladatk.ba), odnosno

2) u slučaju neutroška doznačenih sredstava, podnosilac prijave obavezan je dio neutrošenih sredstava vratiti na račun Budžeta Kantona i dostaviti izvod sa računa kao dokaz o povratu isti.

M.P.

Mjesto i datum

Potpis podnosioca prijave

**POPUNJENI PRIJAVNI OBRAZAC SA SVIM PRILOZIMA  
PODNOSE SE U ZAPEČAĆENOJ KOVERTI A PREDAJE PUTEM POŠTE ILI NA PISARNICU  
UREDA ZA ZAJEDNIČKE POSLOVE KANTONALNIH ORGANA NA ADRESU:**

Tuzlanski kanton,  
Ul. Fra Grge Martića, broj 8., 75 000 Tuzla  
[sa naznakom]  
*Ministarstvo za boračka pitanja Tuzlanskog kantona  
„Prijava na JAVNI POZIV“*

•  
*u svrhu dodjele finansijskih sredstava za spomen obilježja poginulim pripadnicima Oružanih snaga Republike Bosne i Hercegovine na području Tuzlanskog kantona i poginulim pripadnicima 2. Korpusa Armije Republike Bosne i Hercegovine na području entiteta Republika Srpska"*

Javni poziv ostaje otvoren 15 dana od dana objavljivanja  
na internet stranici Vlade Tuzlanskog kantona i internet stranici Ministarstva za boračka pitanja  
Tuzlanskog kantona, odnosno u periodu  
**od 10.08.2026. godine do 25.08.2026. godine.**

*Napomena:*

*Neblagovremene i nepotpune prijave Komisija ne uzima u razmatranje.*